



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՅՈՒՄՐԻ ՀԱՄԱՅՆՔԻ ԱՎԱԳԱՆԻ

3104, Գյումրի, Վարդանանց հրապարակ 1
Հեռ. (+374 312) 2-22-00; Ֆաքս (+374 312) 3-26-06
Էլ. փոստ gyumri@gyumri.am

Ո Ր Ո Շ ՈՒ Մ

«18» մարտի 2014 թվականի N 40 -Ա

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ԳՅՈՒՄՐԻ ՀԱՄԱՅՆՔԻ ՍԵՓԱԿԱՆՈՒԹՅՈՒՆԸ
ՀԱՆԴԻՍԱՑՈՂ ԱՐՈՎՅԱՆ ՓՈՂՈՑ N 86/3 ՀԱՍՑԵԻ ՍՈՒՐԲ ՄԻՆԱՍ ԵԿԵՂԵՑԻՆ ԵՎ ԴՐԱ
ԿԱՌՈՒՑՄԱՆ ՈՒ ՍՊԱՍԱՐԿՄԱՆ ՀԱՄԱՐ ԶԲԱՂԵՑՐԱԾ ՀՈՂԱՄԱՍԸ ՀԱՅԱՍՏԱՆՅԱՅՑ
ԱՌԱՔԵԼԱԿԱՆ ՍՈՒՐԲ ԵԿԵՂԵՑՈՒՆ (ՄԱՅՐ ԱԹՈՒ ՍՈՒՐԲ ԷՋՄԻԱԾԻՆ) ՍԵՓԱԿԱՆՈՒԹՅԱՆ
ԻՐԱՎՈՒՆՔՈՎ ԱՆՀԱՏՈՒՅՑ ՏՐԱՄԱԴՐԵԼՈՒ ՄԱՍԻՆ**

Հայաստանյայց Առաքելական Սուրբ Եկեղեցու կողմից Գյումրի քաղաքի Արովյան փողոց N 86/3 հասցեի առանց համապատասխան ձևակերպումների կառուցված Սուրբ Մինաս Եկեղեցին որպես համայնքի սեփականություն ենթարկվել է պետական գրանցման (հիմք՝ գույքի նկատմամբ իրավունքների պետական գրանցման վկայական N 17022014-08-0033):

Հայ Առաքելական Սուրբ Եկեղեցու Շիրակի թեմի Առաջնորդ Միքայել Եպիսկոպոս Աջապահյանը դիմել է կառույցը և նրա կառուցապատման ու սպասարկման համար զբաղեցրած հողամասը սեփականության իրավունքով Հայաստանյայց Առաքելական Սուրբ Եկեղեցուն (Մայր Աթոռ Սուրբ Էջմիածին) անհատույց տրամադրելու խնդրանքով:

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 16-րդ հոդվածի 20-րդ կետով, Հայաստանի Հանրապետության Հողային օրենսգրքի 64-րդ հոդվածի 1-ին մասի 1.2-րդ կետով և Հայաստանի Հանրապետության կառավարության 2006 թվականի մայիսի 18-ի «Ինքնակամ կառույցների օրինականացման ու տնօրինման կարգը հաստատելու մասին» N° 912-Ն որոշմամբ հաստատված կարգի 34.1 կետով՝ **համայնքի ավագանին որոշում է.**

1. Հայաստանի Հանրապետության Շիրակի մարզի Գյումրի համայնքի սեփականություն հանդիսացող Արովյան փողոց N 86/3 հասցեի 87,36 (ութսունյոթ ամբողջ երեսունվեց հարյուրերորդական) քառակուսի մետր արտաքին (77,31 (յոթանասունյոթ ամբողջ երեսունմեկ հարյուրերորդական) քառակուսի մետր ներքին) մակերեսով Սուրբ Մինաս Եկեղեցին և դրա կառուցման ու սպասարկման համար զբաղեցրած 257,50 (երկու հարյուր հիսունյոթ ամբողջ հինգ տասնորդական) քառակուսի մետր մակերեսով համայնքային հողամասը սեփականության իրավունքով անհատույց տրամադրել Հայաստանյայց Առաքելական Սուրբ Եկեղեցուն (Մայր Աթոռ Սուրբ Էջմիածին):

2. Գույքի նկատմամբ իրավունքների պետական գրանցման հետ կապված ծախսերը կատարել Հայաստանյայց Առաքելական Սուրբ Եկեղեցու (Մայր Աթոռ Սուրբ Էջմիածին) միջոցների հաշվին:

Կողմ (15)

Դեմ (0)

Ձեռնպահ(0)

Ա. Աղամյան

Ա. Բաղդամյան